

wort und verhaïßen annemen wolt oder ansehen. Derhalben,
als dozumal die vahrenden schueler im landt darafter zugen,
die sich der schwarzen kunst annamen und sich hören
liesen, sie weren in fraw Venus perg gewest, do berüeft
5 diser herr Berchtoldt auch ain solchen abenteurer, und durch
dessen hilf und kunst vermaint er sein willen zu erhalten.
Es gab im auch der nigromanta ein gueten trost und ver-
hiefs im vil, wie dann die leut in gebrauch haben. Einer
nacht do macht der abenteurer sein geferdit und bracht
10 dem jungen ain junge dochter, die alle gestalt het, wie des
becken dochter, das auch der herr anders nit wönte, dann
sie wer es; iedoch befalch er dem herren, er solt nit mit
ir reden, welches doch der herr nit hielt, sonder sie die
ganz nacht bei sich behielt, nach allem seinem gefallen. Er
15 wolt vil sprach mit ir halten, aber er kunt kain wort von
ir bringen. Des morgens in aller früe schiede sie von dannen,
das herr Berchtoldt nit anders kunte gedenken oder er-
achten, dann es were seins nachpurn, des becken, dochter,
dann sie der vahrend schueler widerumb darvon fierte.
20 Nach etlichen dagen kam er ungeferdt mit seins nachpurn
dochter zu rede, und als er bei ir in aim heimlichen ge-
sprech, eröffnet er ir, wie sie ein ganze nacht bei im am
bet gelegen und mit ime nit reden wellen und was sich
zwischen inen baiden begeben. Dess alles was sie ime nit
25 gestendig, sagt im auch darbei, das er gewisslichen ain
bösen gaist bei ime würd gehapt haben. Damit schied sie
von ime. Er kunt kain ruhe haben, biß er die warhait
beim vahrenden schueler erfuere. Wie das beschach, hat er
hinnach die überig zeit seins lebens wenig frewd mehr ge-
30 hapt, auch nimmer mer gesehen worden lachen. Derselbig
vahrend schueler hat sich nit lang mehr in selbiger lands-
art gesaumt, sonder darvon zogen, ist nit mehr gesehen
worden. Also haben wir einen kent, zu Rotweil, hiefs Jörg
Wild, ain holselliger, höfflicher man; derselbig name sich
35 auch der schwarzen kunst an, het was von derselbigen von
ainem abenteurer zu Rotweil, Jörg Wiesplern, gelernet. Ein-
mals wolt er ein experiment versuchen, als er auch thett,
das ein schönes, junges mentsch zu im solt kommen. Das
beschahe. Es kame eine bekannte schöne dochter wolbe-

7 nigromanta] hs. nigramanta; s. oben II, 341, 32; III, 530, 2. 21 heim-
lichen] hs. heimlichem. 28 vahrenden] hs. vahrender.